

Эдуард Тимушев

Помасьлытöм муслун



Народная библиотека

Эдуард Тимушев

Помасьлытӧм муслун

Издательство
Союза писателей Республики Коми

Сыктывкар
2012

Редакционная коллегия
«Народной библиотеки»:

Елена Козлова (председатель)
Галина Бутырева
Валерий Вьюхин
Михаил Елькин
Нина Куратова
Надежда Мирошниченко
Алексей Попов
Андрей Попов
Александр Суворов
Александр Ульянов

© Тимушев Э., 2012.

© Козлова Е.В., составитель, 2012.

© Союз писателей

Республики Коми, 2012.

Поэт

Оліс-выліс Поэт, оліс-выліс,
Йӱзлысь шудсӱ и шоглунсӱ кыліс.

Гижис, радейтіс, палявліс, юліс,
Эз и тӱдлыны, кыдзи-мый куліс,

Мича гижӱдъяс, гашкӱ, на сиис,
Ӗткалуныс тай йирис да виис.

Зэв тай этшаник му вылас оліс,
Кӱть и бур кылыс йӱзыслы коліс.

Эгӱ кужӱй ми видзны Поэтӱс.
Йывмысь войтырысь выль гижысь петас,

Сӱмын сы кодъыс оз сӱсся чукты.
Ветла гу вылас, дзоридзъяс пукта,

Кӱні куйлӱ Поэт, кодӱ сьыліс...
Оліс-выліс Поэт, оліс-выліс.

Лежнӧг вотӧгӧн

Бара лежнӧгсӧ тӕкӧд вотам,
Ытшкӧм видз вылас сӕсса водам.

Пӧттӧдз окасям йӧзсьыс гусьӧн,
Кӧть и мам-батьӧн важӧн шусям.

Томӧсь, мичаӧсь бара лолам,
Быттьӧ гозъянас недыр олам.

Рытъя кыаӧдз кадсӧ лотам,
Кисьмӧм лежнӧгсӧ кыкӧн вотам.

Көчан пуысьяс

Чужан сиктын бара көчан пуоны,
Бипур дорын мужик чукөр юоны.

Ыджыд дарйён са съёд пөртъяс бурскёны,
Аскур сорён көчан васё чурскёны.

Курыдторсьяс кодыр сэсся умасны,
Рытьявылыс гортас ньөжйö мунасны.

Вомгорулас сыланкыв на долясны,
Соласьнысö нывбабаяс колясны.

Мыйён бипур дзикөдз чусмас-пазалас,
Көчан көрыс сикт пасьтала разалас.

Гудокасыыс

Синва петмөн гудокасыны велөдча,
Но оз артмы, мый көть сэсся вөч.
Сылан пытшкас ловнам пыра-келөдча,
Корсыыся, мед ставыс вөлі стөч.

Гудок кизыыс – муса нывлөн нёнъ йылыс,
Маласигтыр өкта ворсан лад.
Гудок горыс менө шогысь дорйыліс,
Та вөсна и корсыысьнысө рад.

Медым кодкө сцена вылын нязөдчө,
Тадзи перйө аслыс кынөмпөт.
А мем өткөн гудокасыны кажитчө,
Ворсанногсө бурөн көть ог төд.

Сылан пытшкас ловнам пыра-келөдча,
Велөдысь ни кывзысьысь оз ков.
Синва петмөн гудокасыны велөдча,
Ыркөдыштны медым шузьом лов.

* * *

Лёкысь кезйöдлö кöдзыд сьöд войсьыс,
Тырöм лолöй оз некыдзи шед,
Вемöй пежасьö ыркавлöм дойсьыс,
Бурдлöм сьöлöмлы шойччöг оз сет.

Кöдзыд сынöдыс голяöд тшапкö,
Кöсья мездысьны, кийöй оз судз.
Чирöм рысь сорөн енэжсянь сапкö,
Вöлі эбös, а коли куш мудз.

Усьöм коръясысь чукöрта юрлös,
Вода шойччыштны, лөньюдны дой.
Тöждыс арланьыс унджык тай сюрлö,
Да и пемыдджык овывлö вой.

Дядьлы

Коддзис менам гудокасьысь ёртöй,
Оз нин аддзы чуньнас ворсан кизь.
Мунны эськö öдйöджык нин гортö,
Асъядорыс юрöй мед эз вись.

Но ме водзö стöканъясö кисьта
Пужъявлöм нин пув кодь курыдтор.
Эн тэ меным, ёртöй, нинöм висьтав,
Ог ме тэнö ошкы ни ог ёр.

Тöда: шудыд исковтiс и вунiс,
Помтöм шогыс – тöрытья нин дой.
Ме ог тöд, мый ваяс локтан луныс,
Та вöсна и дона тайö вой.

Шöйöвошим, огö төрöй инам,
Мыйкö колö вежны, гашкö, сэк...
Помтöм вой, а джоджас киссьöм вина,
Ёртлөн чужöм – бытьё гудок мек.

Баба гожом

Асъя шондіыс лысвасö лакис,
Арай виддзыс дзик сöstом да веж.
Муса рас пытшкын мыччысьом тшакыс,
Он нин көйы да, петкөдлө веж.

Черань везъясөн юрсийöй гартчис,
Вомö – намыр, а чуманö – гоб.
Зэра кунöртор юр весьтöд вартчис,
Буретш сикт дорö вотöдз эз коб.



Пожом пу дорё ляскыся чужомён,
Юмов ли вылас синваой доршасьё.
Олом джынсё нин лои коть вуджоме,
Онөдз осьлала водзё да корсьыся.

Ог нин көсйы, да бара на ышмывля,
Ог нин эскы, да выльысь на ылавля.
Вида ачымёс сэки, кор мыжмывля,
Катчөс сына, а горувсё кылавля.

Вода пу дорас шойччыштны, мудза да,
Кодкө гарыштас: «Бара нин юсьёма...»
Мөвпөн мусалы кодзувъяс судзёда,
Сөмын шудаыс важөн нин усьёма.



Катшашыдөсөн енэжыс койис,
Кынмөм му вылас шарөдіс дыр.
Арся лунъясас чукөрмөм дойыс,
Ёна көсья көть, некыз оз быр.

Бытьё дзимбырөн ниртыштё, сотё
Тёлыс бандзибёс. Мыйсяма вын!
Мыйла шогысла сьёлөмөй потё?
Мыйла муслунёй арланьыс кын?

Медым кодлыкё арыс и дона,
Быд поэтлөн эм мусаджык кад.
Сөмын менё тай шогөдлө ёна,
Дзикөдз торксьывлө сыланлөн лад.

Дженьыд гожөмсө сьёлөмын видза,
И пыр виччыся — бергөдчас бөр.
Сійө Войвылад том ныв кодь мича,
Код эз төдлы на радейтчан көр.

Тöлын

Быттьö аскур, чорыд асъя руыс,
Кодöс чужан мукöд пöттöдз юи.

Со тай весиг латшкöсiник зорöд
Гыöрысла дзормöма нин – нёрö.

Сöмын öтнас вежынь вома тöлысь
Югдöдыштö сійöс мöдлапöлысь.

Чездалöма кöдзыдысла сынöд,
Чуймöдана Войвылыдлөн выныд.

Кыркötш бокö гөрбыльтчöма тола,
Шуда сыысь ме, мый тані ола.

Рыт

Гожъялöма Эжва дорын зорöд,
Мичлун йылысь сьылан гижны корö.

Рытъя шондi синкымъяссö тiльö,
Унзiльйивсьыс сайöдчыны зiльö.

Зорöд выlö сэсса лöня пуксис,
Эз и тöдлы — турун пиас дзугсис.

Тулыслань

Катша сера тувсов муяс весьтын
Шонді ыргөн югөръяссө лэчтө.

Сяльгыштöны шоръяс лун шөр бöрын,
Йöжгыльтчöма тола зуд кодь вöрын.

Пашкыр козъяс сійöс киняулас
Дзебыштöны гусьöн вуджөр улас.

Кольмöдыштö тулысылöн көрыс,
Гөвкъялö код синсö восьтöм бöрын.

Войкол

Дульсмөдөма синсө рытья кыа,
Пегыртчөма Эжва юлань коз.
Рудзөг нянь моз банйом кыркөтш лыа
Сьөлөм шонтө ичөт дырйи моз.

Ок и гожом! Пыр тэ меным муса,
Некор, чайта, войколысь ог пөт.
Бипур дорын сартас помой кусө,
Но ме сийөс лөдсавны ог мөд.

Кулӧм ю бокин

Мем тані шоньд сьӧлӧм вылын,
Ас чужан мулӧн — пельӧстор.
Ме чужлі тані — Эжва йылын,
И некор бурджыксӧ ог кор.

Дзик ӧтнам. Вӧя асья руас,
И сэтшӧм лӧсьыд, сэтшӧм лӧнь...
Ог тӧдлы, самӧс кьдзи нуас,
И табйӧй кыас мича вӧнь.

Вой

Сап съод пемыд, кӧдзыд войыс —
Менам шудлуныс и дойыс.
Сійӧ меным ёна ковлӧ,
Сэки медся шуда овла.

Пемыдінас вӧя-воша,
Ӧткалунӧс кывза чожа.
Гӧгӧрвоа, кыла дойӧс
Мустӧм, пемыд, кӧдзыд вояс.



Нерö менö пöлöс вома тöлысь,
Войся енэж кодзувкотөн тыр.
Муса нывкөд йитіс менö көлысь,
Шудыс, гажыс вöлі юр выв тыр.

Көдзыд руөн ышлолалö войыс,
Öшиньясö серпасалö гаж.
Мусаыдкөд — шудлуныс и дойыс,
Мусаыдкөд ставыс виль и важ.

Радейтчыны медым, олам-вылам,
Муслунтöгыд олан сямыд руд.
Мича нылыд уна Эжва йылад,
На пиысь мем öти вайис шуд.

Медым нерсьö пöлöс вома тöлысь,
Некод тайöс вöчны тай оз кор...
...Ичöt нылöй ланьтіс мам нёнй йöлысь,
Нёнйасьыштіс мыйöн асьядор.

Керка

Вокöй керка со аслыс лэптис,
Бытьё вильмөдіс рөдвуж пас,
Көть и вöсняліс эськө зептыс,
Век нин сы гөгөр ставыс ас.

Медым вевтөдзыд сійö воис,
Эз тай этша сэн пöсьсö кисьт.
Зато керкаыс куд кодь лоис,
Гиж көть сы йылысь мича висьт.

— Но, а тэ,— öтчыд юаліс вокöй,—
Он на ас керка йывсьыд сывь?
А ме синъясöс вешті бокö,
Да и немöйми, вошті кыв.

— Часлы,— нурбыльті,— видлыны колö,
Медым паськөдны рөдлысь вуж...
Вокöй керка со лэптис да олö,
А ме тшупсьыны весиг ог куж.

Чожлы

Ыджыд мамөлөн кильчө вылын
Тэкөд пукалам куритчигмоз.
Мыйкө деливө сьөлөм вылын,
Мед көть ректім нин таөдз доз.

Вөлі гудөк, но мекрыс потіс,
Медбур сьыланлөн вошис кыв.
Ышмөм сьөлөмтө тэнсьыд сотіс
Медся муса да дона ныв.

Өні мөд сайын важөн сійө,
Мыйысь нөшта нин йирө дой.
А тэ воштысян вина пиө,
Каттян ылөсас лун да вой.

Өні неран нин муса өрттө:
«Оз на олөмыс сы вөсна сувт...»
Но өд водзсасьны кужтөм морттө
Весиг, овлө, мый пон оз увт.

Гортын

Кисът вай, мамö, меным кода ырöш —
Нэмöвöйся коми юантор.
Медым сійö сötіс весиг нырö,
Юигмозыс ылькйö быгйыс кор.

Кисът вай, мамö, содты көшас тырыс,
Мыйкö талун пöдтö ышман ру.
Ырöш көрсьыс гажöй ёна бырис,
Эг көть этша винаяссö ю.

Гортад сöмын кыпыд овлö лолыд,
Мам дорад тай пыр нин пöt и код.
Зэв нин важöн тэ дорö эг волю,
Сьölöм муртса шогöйла эз пот.

Ырöшыс дзик буретш меным лоис,
Дыр нин тадз эг пукавлывлöй ми.
Аддза, мам, тэ рад жö, мый ме вои,
Вежавидзысь тэнад öтка пи.

Кад

Дзёрысь кияснас пёрысь пёчö
Ен ув пельöсысь чышкö бус.
Ставсö тэрмасьтöг, шаня вöчö,
Бөръя сись торйыс мед эз кус.

Сэсса пукыштас лабич вылас,
Недыр личöдас мудзöм сой.
Пöчö эскö, мый енмыс кылас
Нэм джын кольöмсянь сьölöм дой.

Верös усьöмсянь — мый кöть вöчан —
Сылөн муслуныс эз и чус...
Дзёрысь кияснас пёрысь пёчö
Ен ув пельöсысь чышкö бус.

* * *

Мамлөн ырöшыс кодъ — чöскыд, кода
Эжва дорса виддзыс.

Вöйтча, вода...

Турун сiяс пöвстас кокнъыд ловлы,
Шудаджыкөн таысь ог и овлы.

Радейтчöмсьыс, чайта, ог и пöтлы,
Сöмын колис томлунöй, эг тöдлы.

Помтöм шудöй, муслунöй да дойöй!
Колльöдчöмöй, югыд тувсов войöй!
Кодöс сэсся мöдысь ог нин öзты,
Кодi шывгис — видз кодыс жö сöстöм...

Батьö

Батьöлөн көн лэбö лолыс,
Коркö сэтчö жö ме воа,
Зэв нин этша сійö оліс,
И ми öтлаын кöть лоам.

Лоам збодерöсь да томöсь
Енэжыслөн мöдлапöлас,
Важ моз варовöсь да збойöсь
Кымөръяслөн еджыд йöлас.

— Тэнö, — шуа, — пукта пыдди.
...Кутам гажöдчыны, сывны...
Сэсса кывбуръясöс лыддя,
Кодъяс йылысь эн и кывлы.

Пөч

Чусмөм төлысьыс өшйöма енэжö,
Пөчö пöнарөн петöма вежöсö,
Кималасөн көн лукйысьö надзöник,
Дзузган би улас öдва кöть аддзö нин.

Гашкö, томлунсö вежöсысь корсьö да,
Абу дивö тай вояснад сорсьыныд.
Кулан кöлуйсö, гашкö нин, дасьтö да,
Медым, овсяс кор, бур йöзыс пасьтöдас...

Пыр тай пöрысьтö вермöма колöмыс,
Чискö пöнара биыс и олöмыс...

Ворсö гудöк

Ворсö гудöк рытьявыв,
Мыла горыс.
Воча сьылö мича ныв
Эжва дорын.

Рытья кыаыслөн мич
Сьölөм шöрын.
Узьö мöдлапöвса видз
Ытшкөм бöрын.

Кыа быттö нюлö тшук
Ывла вывсö.
Сывйыштлыны эськö здук
Мича нывсö.

Сöмын ачымöс ог вен:
Полөм кыла.
Кысь нин вичмас сійö мен? —
Мед нин сьылас.

Дерт жö, ворсысьыслы ныв
Кисö сетас.
Тöдлытöг дзик асьявыв
Шондi петас.

Ывлаыс ымралө нора,
Чездөдө палялысь юр.
Мамө, ме бөръяысь кора,
Кисът меным көш тырыд сур.

Юа да, кокныдджык лоас,
Тода көть, шогёй оз быр.
Асылыс бара на воас,
Лэбачьяс дзользясны дыр.

Юа да, сыла на, гашкө,
Дивитны таысь оз ков.
Сьөлөмөй гирскөмөн вашкө,
Регыд мый көдзалас лов.

Шулёны: олөмыс — ворсөм,
Көсьян көть, шудтө он чөж.
Сыла, а кажитчө — горза,
Джодж шөрын — кымыньтчөм көш.

Шуд

Ворсөм бөрын нылöй узьö.
Гашкö, тайö-й шуднас шусьö?

Садьмас мыйöн, босьта киö,
Он и тöдлы — быдмас сийö.

Мыйöн петас верös саяс,
Гашкö, внукös меным ваяс.

Пöльыслань жö кодi мунас,
Шогöй сэки дзикöдз вунас.

...Мöвпала ме нимкодьпырысь
Ичöt мортлөн олөм йылысь.

Öнi шоньд йöлысь сийö
Вöйис мича вötьяс пиö.

Со тай нёнясис да узьö,
Гашкö, тайö-й шуднас шусьö?

Радейта...

Ме радейта, но яндыся да пола,
Көть сөмын тэнад мичлунён и ола.

Ме радейта, но шогыс помся йирё,
И, гашкё, коркё көдзалас на вирёй.

О, менам муслун! Кутшöма тэ сёрмин!
Ме радейта, а сьölөм дзикөдз нормис.

Но шоньд сыысь, му вылас мый олан...
Ме радейта, и яндыся, и пола.

Содержание

Поэт	3
Лежнӧг вотигӧн	4
Кӧчан пуысьяс	5
Гудӧкасьысь	6
«Лёкысь кезйӧдлӧ кӧдзыд съӧд войсьыс...»	7
Дядьлы	8
Баба гожӧм	9
«Пожӧм пу дорӧ ляскыся чужӧмӧн...»	10
«Катшашыдӧсӧн енӧжыс койис...»	11
Тӧлын	12
Рыт	13
Тулыслань	14
Войкол	15
Кулӧм ю бокын	16
Вой	17
«Нерӧ менӧ пӧлӧс вома тӧлысь...»	18
Керка	19
Чожлы	20
Гортын	21
Кад	22
«Мамлӧ ырӧшыс кодъ – чӧскыд, кода Эжва дорса виддзыс...»	23
Батьӧ	24
Пӧч	25
Ворсӧ гудӧк	26
«Ывлаыс ымралӧ нора...»	27
Шуд	28
Радейта... ..	29
«Тайӧ кывбурсӧ сия тӧныд...»	30
Гожӧм	31

Эдуард Тимушев. Нескончаемая любовь.

Редактор Елена Козлова.

Технический редактор Николай Вахнин.

Заказ 097/2012. Тираж 200 экз.

Отпечатано с готовых оригинал-макетов в

ООО «Типография «Полиграф-Сервис»

г.Сыктывкар, ул. Ленина, 4, тел. 8(8212) 21-48-36



Тимушев Эдуард Алексеевич родился 21 августа 1962 года в селе Керчомья Усть-Куломского района Коми АССР. Окончил Усть-Немскую среднюю школу, после чего работал в колхозе. Учился в Сыктывкарском университете. Служил в армии. После демобилизации работал директором Дома культуры, в сплавной организации, журналистом. Автор книг «Ёрта сёрни» (1992), «Крест» (1999), «Видзёдлас» (2003). Член Союза писателей России с 1999 года. Умер 4 декабря 2006 года.